

四庫全書

史部

欽定四庫全書

史部

政和五禮新儀卷

四十七至
五十六

詳校官編修臣曹錫鏊

編修臣程嘉謨覆勘

總校官庶吉士臣何思鈞

校對官主簿臣汪日贊

謄錄監生臣許立聖

欽定四庫全書

政和五禮新儀卷四十七

吉禮

皇帝祀五方帝儀上

時日

齋戒

陳設

車駕自大慶殿詣青城

省牲器

奠玉幣

進熟

望燎

車駕還內

時日

前期降御札以來年立春日祀青帝

立夏祀赤帝季夏
土王祀黃帝立秋

祀白帝立
冬祀黑帝太常寺具時日散告

齊戒

前祀十日質明有司設行事執事及陪祠文武官位於
朝堂太宰刑部尚書在北南向太宰在左刑部尚書在

右刑部尚書稍却行事太宰左丞在南吏部戶部禮部尚書吏

部禮部侍郎大司樂光祿卿太樂令光祿丞在其南凡設

太樂令以下位皆稍却如朝獻朝享即初亞獻官在光祿丞下次分獻官次執事官又

於其南俱北向西上監察御史位二在西東向北上讀

冊舉冊官奉禮協律郎太祝郊社太官令在東西向北

上奉禮郎以下皆稍却設陪祠文武百官位於行事官之南又設

行事執事及陪祠親王宗室位於太廟齋坊少宰刑部

侍郎在北南向少宰在左刑部侍郎在右刑部侍郎稍却亞獻

終獻在南北向西上親王及行事陪祠宗室在東西向

北上東上閣門御史臺太常寺分引羣官各就位凡將引行

事執事陪祠文武官立班即御史臺引殿中侍御史一員先入就位太宰讀誓於朝堂刑

部尚書泣之少宰讀誓於太廟齋坊刑部侍郎泣之誓

文曰某年某月某日立春皇帝祀青帝立夏祀赤帝季夏土王祀黃帝

立秋祀白帝立冬祀黑帝如朝獻朝享即各揚其職其

云前二日朝獻景靈宮前一日朝享太廟或不恭國有常刑讀訖

內朝堂執事官奉禮郎以下文官宣德郎以下武官從義郎以

下先

餘官並對拜訖退皇帝散齋七日於別殿致齋三

日

二日於大慶殿一日於青城如朝獻朝享即一日於大慶殿一日於太廟一日於青城

凡散齋

不弔喪問疾作樂有司不奏刑殺文書致齋日前後殿

不視事唯行祀事前致齋一日殿中監帥其屬尚舍鋪

御座於大慶殿當中南向設東西房於御座之左右稍

北又設西閣及齋室於殿後之左右殿上前楹施簾致

齋之日質明有司陳大駕鹵簿於宣德門外尚輦陳平輦於垂拱殿庭文武百官俱就次各服其服東上閣門奏請皇帝未後詣齋室通事舍人等自下分引知樞密院事以下詣垂拱殿庭立班東上閣門附內侍進班齊牌垂拱殿簾降皇帝乘輦出至殿上少駐輦官迎駕自贊常起居宣輦官上殿簾卷鳴鞭行門禁衛諸班親從迎駕自贊常起居次舍人先贊知內侍省官以下常起居次樞密以下通班常起居贊祗候引駕樞密知客省事

以下至僉書東上閣門官分左右立六尚局應奉官祇

應通侍大夫以下武功大夫以下並先退次管軍臣僚

宣名常起居贊祇候引駕並分左右前導輦降東階垂

拱殿門外禁衛諸從自贊常起居次行宮使御營巡檢

一班常起居

如通侍大夫以下知密省事以下武功大夫以下知內侍西省帶御器械官充行營

使御營巡檢各歸本班

至大慶殿後閣降輦入西閣大慶殿簾降

前導官並就次易朝服詣御榻前分左右侍立

知樞密事僉書

樞密院事在東西向北上同知樞密院事在西東向北上左輔一員在知樞密院事之北贊拜東上閣門官一

員又在其北並西向知客省事以下在僉書樞密院事之南稍東西向北上僉書客省事以下又在其南稍却通事舍人等分引行事執事陪祠文武官各綰結佩入詣大慶殿庭立班舍人引禮部侍郎奏請中嚴侍臣詣幄奉迎內外符寶郎奉寶先出陳於御榻之左右少頃引禮部侍郎又奏外辦皇帝服通天冠絳紗袍綰結佩出西閣乘輿警蹕侍衛如常儀由西房至御榻西降輿皇帝即御座南向侍臣夾侍贊拜東上閣門官於榻前贊樞密以下拜殿之上下應在位官皆再拜

東上閣門官贊拜訖轉身

北向隨拜訖面
西贊各祇候

次禮直官引左輔詣御座前俛伏跪奏

稱左輔具官臣某言請皇帝降座就齋室奏訖俛伏興

還侍位

凡左輔奏
請准此

皇帝降座乘輿由東房入齋室侍臣

各還所司直衛者如常儀通事舍人分引行事執事陪

祠文武官以次出

三省親王樞密宗室
起居問聖體並如儀

應行事執事陪

祠官及從升者並散齋七日宿於正寢致齋三日各宿

於其次

三省樞密院官各宿於本庭及都堂侍從官并
尚書侍郎分宿於祕書省中書後省餘官內庭

有所司省各宿於其司諸方客
使許赴陪位者各宿於其次

凡散齋治事如故唯不弔

喪問疾作樂判書刑殺文書決罰罪人及與穢惡致齋之日官給酒饌唯祀事得行其餘悉禁與祀之官已齋而闕者通攝行事

陳設

前祀三日殿中監帥其屬尚舍設大次於外壝東門之內道北南向小次於午階之東西向儀鸞司設文武侍臣次於大次之前隨地之宜行事陪祠官宗室及有司次於外壝東門之外東方南方客使次於文官之後西

方北方客使次於武官之後設饌幔於內壝東門之外
道北南向前祀二日郊社令帥其屬掃除壇之上下積
柴於燎壇光祿牽牲詣祠所大晟陳登歌之樂於壇上
稍南北向設宮架於壇南內壝之外立舞表於鬱綴之
間前祀一日太常設神位席太史設神位版青帝位於
壇上北方南向席以橐結帝太昊氏位於壇上東方西
向席以莞告潔畢
權微又設句芒神位於壇下卯階之南歲
星析木大火壽星位於壇下子階之東西上角宿亢宿

氏宿房宿心宿尾宿箕宿位於壇下子階之西東上俱

席以莞所席皆內向

立夏祀赤帝位於壇上北方南向
帝神農氏位於壇上東方西向祝

融位於壇下卯階之南熒惑鶉首鶉火鶉尾位於壇下子
階之東西上井宿鬼宿柳宿星宿張宿翼宿轸宿位於
壇下子階之西東上季夏土王祀黃帝位於壇上北方
南向帝軒轅氏位於壇上東方西向后土位於壇下卯
階之南鎮星位於壇上子階之東立秋祀白帝位於壇
上北方南向帝少昊氏位於壇上東方西向蓐收位於
壇下卯階之南太白大梁降婁實沈位於壇下子階之
東西上奎宿婁宿胃宿昂宿畢宿嘴宿參宿位於壇下
子階之西東上立冬祀黑帝位於壇上北方南向帝高陽
氏位於壇上東方西向玄冥位於壇下卯階之南辰星
娵訾玄枵星紀位於壇下子階之東西上斗宿牛宿女宿
虛宿危宿室宿壁宿位於壇下子階之西東上凡正配從

祀神位席並
同青帝壇

奉禮郎禮直官設皇帝祀位版於壇下小

次前西向飲福位於壇下午階之西北向望燎位於東

南向設燿火於望燎位之東南向

東西各六人

贊者設亞終

獻位於小次之西稍東西向大禮使太宰左丞又於其

南行事吏部戶部禮部尚書吏部禮部侍郎光祿卿讀

冊舉冊官光祿丞位於大禮使之東

光祿丞稍却

奉禮郎搏

黍太祝郊社太官令位於小次之東北俱西向北上監

察御史位二一於壇上樂廡之西北一於宮架之西北

俱東向大樂令位於登歌樂廡之北大司樂位於宮架
之北良醞令位於酌尊所俱北向又設陪祠文武官位
於執事者之南諸方客使在文官之南隨其方國光祿
陳牲於東壝門外西向祝史各位於牲後太宰設省牲
位於牲西大禮使太宰左丞在南北向西上分獻官位
於其後行事吏部戶部禮部尚書吏部禮部侍郎大司
樂光祿卿讀冊舉冊官大樂令光祿丞奉禮協律郎搏
黍太祝郊社太官令在北南向西上

凡設大樂令以監
下位皆稍却

察御史在吏部尚書之西異位稍却光祿陳禮饌於東
墻門外道北南向太常設省饌位版於禮饌之南大禮
使太宰左丞在南北向西上分獻官位於其後監察御
史位二俱在西東向北上行事吏部戶部禮部尚書吏
部禮部侍郎大司樂光祿卿讀冊舉冊官大樂令光祿
丞奉禮協律郎搏黍太祝郊社太官令在東西向北上
禮部帥其屬設祝冊案於神位之右司尊彝帥其屬設
玉幣篚於酌尊所次設籩豆簋簠之位正配位皆左十

有一籩右十有一豆俱為三行俎三一在籩前二在豆
右為二重登一在籩豆間簋一簋一在籩豆外簋在左
簋在右又設尊坫之位正配位皆太尊五山尊五為二
重在壇上東南隅北向西上

配位設於正
位酒尊之東

太尊在前皆

有坫加勺冪為酌尊又設太尊二山尊二在神位前著
尊二犧尊二在壇下午階之西

配位設於
西階之北

象尊二壺尊

六在壇下午階之東

配位設於
西階之南

俱北向西上

配位即東
向北上

皆加冪設而不酌又設從祀諸神籩豆簋簋之位每位

各左二簋右二豆俎一在簋豆前爵一次之簋一簋一
在爵之前簋在左簋在右又設象尊四於卯階之南五
官位二於子階之東五星三辰位皆在神位之左壺尊
二設於子階之西七宿位在神位之右又設正配位簋
豆簋簋槃俎各一於饌幔內設御洗二於壇下午階東
南北向盥洗在東爵洗在西罍在洗東加勺篚在洗西南肆實以
巾若洗爵之篚則又實以爵加玷設皇帝位於洗南北向內侍酌水位
於洗東執巾於酌水內侍之北俱西向吏部侍郎位於

爵洗之西東向又設亞終獻盥洗爵洗於本位之南分
獻官盥洗於其方階道之左罍篚各設於左右皆內向
執罍篚者位其後祀日丑前五刻郊社令與太史官屬
各服其服升壇設青帝帝太昊氏神位版於壇上太府
卿少府監帥其屬陳玉幣於篚

青帝以青珪赤帝以赤璋黃帝以黃琮白帝以白琥黑帝以黝璜盛於匣配

位不用玉幣皆隨其方色

禮神之玉各置於神位前

璠玉加於幣光祿卿帥其屬入實正配位籩豆簋簠

籩三

行以右為棗第一行形鹽在前魚鱠饌餌次之第二行
榛實在前乾桃乾榛乾棗次之第三行菱在前芡棗鹿

脯次之豆三行以左為上第一行芹菹在前苡菹葵菹
菁菹次之第二行韭菹在前醢食魚醢次之第三行豚
拍在前鹿膋醢次之菹實
以稻盞實以黍登實以大羹
太官令帥其屬入實俎

之俎一實以牛腥七體兩髀兩肩兩脅并脊兩髀在兩
端兩肩兩脅次之脊在中豆右之俎二為二重以北為
上第一重實以牛腥腸胃肺離肺一在其上端判肺三
次之腸三胃又次之第二重實以牛熟腸胃肺其載如
腥若配位即
良醢令帥其屬入實尊

以束為上
尊實以醴齊象尊
實以沉齊犧尊實以醢齊象尊實以沉齊各以一尊
實明水壺尊三實玄酒三酒明水玄酒皆在上
又

實從祀神位之饌
籩前實以栗次實以鹿脯豆前實以
菁菹次實鹿膋俎實以豕腥肉盞實

以稷盞實以黍爵
又實從神位之尊
象尊實以沉齊
實以祠祭法酒
壺尊實以清酒
太

常設燭於神位前又設大禮使以下行事執事官揖位
於卯階之東內壝外如省牲位所司陳異寶嘉瑞及伐
國之寶於宮架之南東西相向

政和五禮新儀卷四十七

欽定四庫全書

政和五禮新儀卷四十八

吉禮

皇帝祀五方帝儀中

車駕自大慶殿詣青城

前祀一日陪祠文武官先詣皇帝壇齋宮其日導駕官
以下就次各服其服尚輦奉御進輿於大慶殿乘黃令
進玉輅於宣德門內南向設千牛將軍一員位於輅前

北面門下侍郎一員位於左輔之前贊者二人位又於

其前少頃東上閣門御史臺太常寺分引左輔門下侍

郎太僕卿乘黃令詣大慶殿西階下立北向東上

乘黃令位

其次引導駕官在其後分東西相向立以俟奉迎前導

次管軍臣僚次行宮使御營巡檢等又在其後禮直官

通事舍人引禮部侍郎奏請中嚴

凡左輔門下侍郎禮部侍郎奏請者禮直

官通事舍人引少頃又奏外辦皇帝服通天冠絳紗袍乘輿以

出降自西階稱警蹕如常儀宣贊舍人贊左輔以下常

起居次導駕官常起居

已起居者止
奏聖躬萬福

次管軍臣僚次行

宮使御營巡檢等常起居

該宣名者
即宣名

太僕卿出詣玉輅

所攝衣而升正立執轡導駕官前導皇帝出大慶殿門

外至玉輅所千牛將軍前跪執轡左輔進當輿前俛伏

跪奏左輔具官臣某言請皇帝降輿升輅奏訖俛伏興

退復位

凡左輔奏
請准此

乘黃令稍前東向進玉輅皇帝降輿

升輅太僕卿立授綏導駕官分左右步導門下侍郎具

官臣某言請車駕進發奏訖俛伏興退復位

凡門下侍
郎奏請准

此車駕動稱警蹕左輔先詣宣德門內以俟門下侍郎及贊者夾侍以出千牛將軍夾輅而趨車駕將及宣德門至侍臣上馬所門下侍郎奏請車駕少駐勅侍臣上馬左輔前承旨退稱曰制可門下侍郎傳制稱侍臣上馬贊者承傳勅侍臣上馬諸侍衛之官各督其屬左右翊駕在黃麾內符寶郎奉八寶前導殿中監後部從導駕官夾侍於前贊者在左輔門下侍郎之前侍臣上馬畢次大內留守於宣德門外再拜奉辭門下侍郎奏請

車駕進發車駕動稱警蹕不鳴鼓吹大駕鹵簿前導詣
青城車駕將至青城東上閤門御史臺分引陪祠文武
官宗室客使禮直官贊者引行事執事官俱詣行宮門
外立班再拜奉迎訖退

內已起居者止
奏聖躬萬福

車駕及門少駐

文武侍臣皆下馬導駕官步導入門車駕動千牛將軍
夾輅而趨至行宮齋殿前迴輅南向千牛將軍立於輅
右左輔奏請皇帝降輅乘輿尚輦奉御進輿於輅後皇
帝降輅乘輿入齋殿侍衛如常儀導駕官步導至殿門

欽定四庫全書

政和五禮新儀
卷四十八

三

皇帝降輿歸殿後閣簾降通事舍人承旨勅羣臣從官各
還次學士院以祝冊授通進司進御書訖付尚書禮部
如朝獻朝享即並如冬祀大
禮車駕自太廟詣青城儀

省牲器

省牲之日午後十刻去壇二百步禁行者未後二刻郊
社令帥其屬掃除壇之上下司尊彛帥府史及執事者各
以祭器入設於位凡設祭器皆藉以席籩豆又加巾蓋太府卿少府監陳
玉幣於篚告潔畢未後三刻禮直官贊者分引大禮使
權微

以下詣東壝門外省牲位立定光祿卿丞與執事者牽

牲就位禮直官贊揖贊者引大司樂入行樂架

凡亞終獻行事

皆禮直官太常博士引大禮使太宰左丞行事皆禮直官引餘官皆贊者引

次引禮部尚書

升自卯階眡滌濯

凡行事執事官升降皆自卯階

次又引太宰申眡滌

濯執事者皆舉帛曰潔俱復位禮直官稍前曰告潔畢

請省牲次引禮部尚書侍郎稍前省牲訖退復位次引

光祿卿出班巡牲一匝西向躬曰充曰脩次引光祿丞

出班巡牲一匝西向躬曰膾俱復位禮直官稍前曰省

牲畢請就省饌位揖訖引大禮使以下各就位立定禮
直官贊揖所司省饌具畢禮直官贊省饌畢贊揖訖俱
還齋所光祿卿丞及執事者以次牽牲詣厨授太官令
次引禮部尚書詣厨省鼎鑊視濯漑協律郎展視樂器
乃還齋所晡後一刻太官令帥宰人以鸞刀割牲祝史
各取毛血實於槃俱置饌所遂烹牲郊社令帥其屬掃
除壇之上下

奠玉幣

祀日丑前五刻

行事春冬用丑時七刻夏秋用丑時一刻

諸祠官及陪祠之

官各服其服郊社令與太史官屬入設神位版太府卿少府監入陳玉幣光祿卿入實籩豆簠簋太官令入實俎良醞令入實尊樂正帥工人二舞以次入與執尊罍篚冪者各就位次引分獻執事官詣從祀神位前立次通事舍人等分引陪祠文武官及宗室客使各入就位次禮直官贊者分引大禮使以下行事執事官就外階內墻門外揖位立定禮直官曰揖次引監察御史按視

壇之上下糾察不如儀者退復位尚輦奉御進輿於齋
殿皇帝服通天冠絳紗袍乘輿以出近侍及扈從之官
導從至大次門外皇帝降輿入次簾降禮儀使樞密院
官太常卿東上閣門官太常博士禮直官分立於大次
外之左右次引禮部侍郎詣前奏請中嚴少頃又奏外
辦符寶郎奉寶陳於宮架之北禮儀使當次前俛伏跪
奏禮儀使具官臣某言請皇帝行事奏訖俛伏興還侍
位

禮儀使奏
禮畢准此

簾卷皇帝服袞冕以出

立冬禮黑帝
則服袞被袞

侍衛

如常儀禮儀使以下前導至中墻門外殿中監跪進大

圭殿中少監副之

凡殿中監進圭受圭皆少監副之

禮儀使奏請執大

圭前導皇帝入自正門

侍衛不應入者立於門外

協律郎跪俛伏舉

麾興

凡行禮執事者取物奠物皆跪俛伏興

工鼓祝宮架儀安之樂作

皇帝

升降行止皆

至午階版位西向立偃麾憂歆樂止

凡樂皆協

律即跪俛伏舉麾興工鼓祝

而後作偃麾憂歆而後止

禮儀使以下分左右侍立

凡行禮儀使樞密院官太常卿東上閣門官太常博士禮直官前導至位則分立於左右

禮儀使前

奏有司謹具請行事宮架作景安之樂帝臨降康之

舞六成止太常升烟燔牲首禮儀使奏請再拜皇帝再拜贊者曰再拜在位官皆再拜內侍取玉幣於筐立於尊所次引太宰吏部尚書侍郎升詣青帝神位前立太宰吏部尚書俱西向北上侍郎東向禮儀使前導皇帝詣盥洗位宮架樂作至洗位北向立樂止內侍酌水以進禮儀使奏請搢大圭盥手內侍跪取巾於筐興以進皇帝悅手內侍受巾跪奠於筐禮儀使奏請執大圭前導皇帝升壇大禮使從

皇帝升降大禮使皆從左右侍衛量人數升

宮架樂

作至壇下樂止升自午階登歌樂作至壇上樂止登歌
嘉安之樂作殿中監跪進鎮圭禮儀使奏請搢大圭執
鎮圭前導皇帝詣青帝神位前北向立內侍先設繅藉
於地禮儀使奏請跪奠鎮圭於繅藉執大圭俛伏興入
奏請搢大圭跪內侍加玉於幣以授吏部尚書吏部尚
書以授太宰太宰西向跪以進禮儀使奏請受玉幣皇
帝受奠訖吏部侍郎東向跪受以興進奠於青帝神位
前太宰吏部尚書侍郎俱詣帝太昊氏神位前以俟禮

儀使奏請執大圭俛伏興內侍取鎮圭繅藉詣帝太昊氏神位前先設繅藉於地禮儀使奏請再拜皇帝再拜訖樂止禮儀使前導皇帝詣帝太昊氏神位前東向奠幣並如上儀太宰以下俱復位禮儀使前導皇帝還版位登歌樂作內侍舉鎮圭繅藉以鎮圭授殿中監以還司皇帝降階樂止宮架樂作至版位西向立樂止祝史奉毛血槃立於壇門外由其階升太祝迎於壇上俱進奠於神位前太祝與執事者退立於尊所

欽定四庫全書

政和五禮新儀卷四十九

吉禮

皇帝祀五方帝儀下

進熟

祀日有司陳鼎二於神厨各在鑊右太官令帥進饌者

詣厨以匕升牛於鑊實於一鼎

肩臂臑肫脰正脊一直脊一橫脊一長脅一短

脅一代脅一皆二骨以並正配位各一鼎

皆設扃冪祝史對舉陳於饌幔內

重行西向以南為上光祿實籩豆簠簋於饌幔內

還實以粉

養豆實以糝食簠實以梁簋實以稷

次引禮部侍郎詣饌所視牲腥熟之

節俟皇帝升奠玉幣訖還位樂止引禮部尚書詣饌所執籩豆簠簋以入戶部尚書詣饌所奉俎以入太官令引入正門宮架豐安之樂作設於外階之下北向西上奉牲者在東祝史抽扃委於鼎右除幕初鼎序入有司執匕及俎以從至外階下各設於鼎西匕加於鼎太官令以匕升牛載於一俎

肩臂臠在上端肫胙在下端脊脅在中正配位各一俎

鼎

先退俟祝史進徹毛血以次出次引禮部尚書搢笏執
籩豆簋簠戶部尚書搢笏奉俎以升執事者各迎於壇
上禮部尚書奉籩豆簋簠詣青帝神位前北向跪奠啟
蓋於下執笏俛伏興有司設籩於糗餌前豆於醢醢前
簋於稻前簠於黍前次引戶部尚書奉俎詣青帝神位
前北向跪奠執笏俛伏興有司設於豆前次詣帝太昊
氏神位前東向跪奠並如上儀樂止俱降復位太祝取
菹孺於醢祭於豆間三又取黍稷肺祭如初皆藉用茅

各還尊所次引太宰左丞詣青帝神位前西向立以北
為上吏部侍郎詣爵洗位東向立禮儀使前導皇帝詣
盥洗位宮架樂作至洗位北向立樂止內侍酌水以進
禮儀使奏請搢大圭盥手內侍跪取巾於篚興以進皇
帝悅手內侍受巾跪奠於篚禮儀使奏請執大圭前導
皇帝詣爵洗位宮架樂作至洗位北向立樂止吏部侍
郎跪取爵於篚興以進禮儀使奏請洗爵內侍跪取巾
於篚興以進皇帝拭爵內侍受巾跪奠於篚吏部侍郎

受爵升自午階禮儀使奏請執大圭前導皇帝升壇宮
架樂作至於午階樂止升自午階登歌樂作至壇上樂
止登歌歆安之樂作吏部侍郎奉爵詣正位酌尊所西
向立執尊者舉冪良醞令酌太尊之泛齊訖先詣配位
酌尊所北向立禮儀使前導皇帝詣青帝神位前北向
立禮儀使奏請搢大圭跪吏部侍郎以爵授左丞左丞
授太宰太宰西向跪以進禮儀使奏請執爵祭酒三祭
於茅苴奠爵執大圭俛伏興又奏請少立樂止太宰左

丞俱詣帝太昊氏神位前北向立以俟舉冊官舉祝冊
進於青帝神位之右讀冊官楷笏東向跪讀冊文讀訖
執笏興先詣帝太昊氏神位前南向立禮儀使奏請再
拜皇帝再拜有司奠冊於青帝神位前禮儀使前導皇
帝詣帝太昊氏神位前酌獻並如上儀

唯登歌作
承安之樂

太宰

以下俱復位禮儀使前導皇帝還版位登歌樂作降階
樂止宮架樂作至版位西向立樂止禮儀使奏請還小
次宮架樂作將至小次禮儀使奏請釋大主殿中監跪

受大圭皇帝入小次簾降樂止文舞退武舞進宮架容
安之樂作舞者立定樂止初皇帝將詣小次禮直官太
宰博士引亞獻詣盥洗位北向立搯笏盥手帨手執笏
詣爵洗位北向立搯笏洗爵拭爵以授執事者執笏升
詣正位酌尊所西向立宮架作隆安之樂神保錫羨之
舞執事者以爵授亞獻亞獻搯笏執爵執尊者舉冪太
官令酌山尊之醴齊訖先詣配位酌尊所北向立亞獻
以爵授執事者執笏詣青帝神位前北向搯笏跪執事

者以爵授亞獻亞獻執爵祭酒三祭於茅苴奠爵執笏
俛伏興少退北向再拜次詣帝太昊氏神位前酌獻並
如上儀樂止降復位初亞獻行禮將畢次禮直官太常
博士引終獻詣洗及升壇酌獻並如亞獻之儀降復位
初亞獻將升次引分獻官詣盥洗位搢笏盥手執笏詣
從祀神位前搢笏跪執爵三祭酒奠爵執笏俛伏興再
拜復位初皇帝既奠玉幣光祿以牛左臂一骨及長脅
短脅俱二骨以並載於胾俎設於壇下飲福位之西俟

終獻既升獻引戶部尚書搏黍太祝太官令詣飲福位
東向立奉俎豆爵酒者各位於其後禮儀使奏請詣飲
福位簾卷出次官架樂作殿中監跪進大主禮儀使奏
請執大主前導皇帝詣飲福位將至位樂止官架禧安
之樂作皇帝至飲福位北向立尚醞典御執尊升詣酌
尊所良醞令酌上尊福酒合置一尊典御奉尊降詣飲
福位以授殿中少監尚醞奉御執爵殿中少監酌之奉
御以爵酒授殿中監殿中監西向捧以立禮儀使奏請

再拜皇帝再拜殿中監跪以爵酒進禮儀使奏請搯大圭跪授爵祭酒三祭於地啐酒奠爵殿中監跪受爵以興諸太祝帥執事者持胙俎進域神位前正脊二骨橫脊二骨加於俎上內侍受俎以授戶部尚書戶部尚書西向跪以進皇帝受俎奠之戶部尚書受俎以興退復位太官令取黍於簋搏以授太祝太祝受以豆東向跪進皇帝受訖奠之太祝受豆以興退復位次殿中監再跪以爵酒進禮儀使奏請受爵飲福酒奠爵殿中監受

虛爵興以授典御奉御執事者俱退復位禮儀使奏請
執大圭俛伏興又奏請再拜皇帝再拜樂止禮儀使前
導皇帝還版位宮架樂作至版位西向立樂止次引禮
部尚書升壇徹籩豆戶部尚書升壇徹俎籩豆俎各一
俱少移故處
登歌成安之樂作卒徹樂止禮部戶部尚書降復位禮
直官曰賜胙行事陪祠官拜贊者承傳曰賜胙再拜在
位官皆再拜送神宮架景安之樂作一成止

望燎

景安之樂畢禮儀使奏請詣望燎位前導皇帝詣望燎位宮架樂作至位南向立樂止初賜胙再拜訖郊社令以黍稷肺祭藉以白茅束之吏部侍郎帥太祝執籩進詣神位前取玉幣祝冊藉以茅以俎載牲體黍稷飴爵酒各由其階降壇南行詣柴壇自南陞升以玉幣祝饌物置於燎柴禮直官曰可燎舉燿火東西各以炬燎半柴禮儀使奏禮畢前導皇帝還大次宮架樂作出中墻門外禮儀使奏請釋大主殿中監跪受大主殿中監跪

侍衛如常儀皇帝至大次樂止禮部郎中奏解嚴引大
禮使以下詣郊階之東內墻外揖位立禮直官贊禮畢
揖訖退通事舍人引陪祠文武及宗室客使以次出將

士不得輒離部位

行宮齋殿受賀並如冬祀
大禮御端誠殿受賀之儀

車駕還內

前期殿中監帥其屬尚舍設御幄於大慶殿門外之東
向南大晟設宮架於宣德門外稍南其日祀事禮畢所
司轉仗衛鹵簿於還途如來儀文武百官宗室客使先

詣宣德門外就次以俟立班奉迎乘黃令進金輅於行
宮殿門外南向千牛將軍一員執長刀立於輅右尚輦
奉迎進輿於齋殿導駕官俱詣齋殿門外奉迎禮部侍
郎奏請中嚴少頃又奏外辦簾卷皇帝服通天冠絳紗

袍乘輿以出應導駕官等並迎駕奏聖躬萬福

內祇應
官賀謝

皆再

拜太僕卿出詣金輅所攝衣而升正立執轡皇帝乘

輿降自西階至金輅所左輔奏請皇帝降輿升輅

有司
仍具

大輦若乘輦即
奏云降輿乘輦

太僕卿立授綬千牛將軍馭駕如來儀

門下侍郎奏請車駕進發車駕動稱警蹕侍衛如儀至
侍臣上馬所門下侍郎奏請車駕少駐勅侍臣上馬左
輔前承旨退稱曰制可門下侍郎傳制稱侍臣上馬贊
者承傳勅侍臣上馬門下侍郎奏請車駕進發車駕動
稱警蹕鼓吹及諸軍樂振作車駕將至宣德門外文武
百官宗室客使並立班再拜奉迎次大內留守見再拜
訖退車駕至宣德門外少駐文武侍臣皆下馬步導千
牛將軍降立於輅右車駕動千牛將軍夾輅而趨大樂

正令奏采茨之樂入門樂止車駕至御幄前左輔奏請

皇帝降輅乘輿

若乘輦即奏云降輦乘輿

皇帝降輅乘輿以入禮部

郎中奏解嚴通事舍人承旨勅羣官各還次將士各還

其所

若肆赦並如冬祀大禮宣德門肆赦之儀

政和五禮新儀卷四十九

欽定四庫全書

政和五禮新儀卷五十

吉禮

祀五方帝儀

有司行事

時日

齋戒

陳設

省牲器

奠玉幣

進熟

望燎

時日

太常寺預於隔季以立春日祀青帝

赤帝以立夏黃帝以季夏土王白帝

以立秋黑帝以立冬為祀日

闕太史局太史局以其日報太常寺太

常寺參酌訖具時日散告

齋戒

前祀十日受誓戒於尚書省其日五鼓贊者設位版於

公相廳下吏部尚書在左刑部尚書在右並南向初獻

亞終獻禮官位於其南稍東北向西上監察御史位於

其西稍北東向光祿卿兵部工部郎中大樂令光祿丞

位於其南稍西北向東上

太樂令光祿丞位稍却

奉禮郎太祝郊

社大官令位於其東西向北上質明禮直官贊者引行

事執事官就位立定禮直官引吏部尚書由公相廳降

階就位禮直官贊揖在位者對揖吏部尚書搢笏讀誓

文云某月某日立春祀青帝

立夏祀赤帝季夏土王祀黃帝立秋祀白帝立冬祀

黑帝各揚其職不共其事國有常刑讀訖執笏禮直官贊

奉禮郎太祝郊社太官令先退餘官對拜乃退散齋七

日治事如故宿於正寢不吊喪問疾作樂判書刑殺文

書決罰罪人及與穢惡致齋三日

光祿卿丞郊社太官令齋一日

二日

於本司

無本司者於太常齋舍質明至齋所

唯祀事得行餘悉禁前祀一

日質明俱赴祠所齋宮官給酒饌祀官已齋而闕者通

攝行事

陳設

前祀三日儀鸞司設行事執事官次於壇壝門外隨地之宜設饌幔於內壝東門外道北南向前二日光祿牽牲詣祠所前一日郊社令帥其屬掃除壇之上下太常

設正配神位席太史設正配神位版於壇上

凡設神位版皆郊社

令監視

太常設祭器

凡設祭席祭器皆藉以席蓮豆又加巾蓋

以俟告潔

既畢權徹

光祿陳牲於外階之東南內壝外西向祝史各位於牲後太常設省牲位於牲西三獻官禮官在南北向光祿

卿兵部工部郎中大樂令光祿丞奉禮郎太祝郊社太官令在北南向俱西上

凡設大樂令光祿丞以下位皆稍却

監察御史於

光祿卿之西少絕光祿陳禮饌於壇之東南內壝外南向太常設省饌位版於禮饌南三獻官禮官在南北向西上監察御史在西東向光祿卿兵部工部郎中大樂令光祿丞奉禮郎太祝郊社太官令在東西向北上大晟設登歌之樂於壇上稍南北向祀日且前五刻禮直官贊者諸司職掌各服其服太常設神位席太史設神

位版於壇之上下青帝位於壇上北方南向席以橐結
帝太昊氏位於壇上東方西向席以莞又設句芒位於
壇下卯階之南歲星析木大火壽星位於壇下子階之
東西上角宿亢宿氐宿房宿心宿尾宿箕宿位於壇下
子階之西東上俱席以莞兩席皆內向

立夏祀赤帝位
於壇上北方南

向帝神農氏位於壇上東方西向祝融位於壇下卯階
之南熒惑鶉首鶉火鶉尾位於壇下子階之東西上井
宿鬼宿柳宿星宿張宿翼宿轸宿位於壇下子階之西
東上季夏土王祀黃帝位於壇上北方南向帝軒轅氏
位於壇上東方西向后土位於壇下卯階之南鎮星位
於壇下子階之東立秋祀白帝位於壇上北方南向帝

少昊氏位於壇上東方西上蓐收位於壇下卯階之南太白大梁降婁實沈位於壇下午階之東西上奎宿婁宿胃宿昂宿畢宿觜宿參宿位於壇下子階之西東上立冬祀黑帝位於壇上北方南向帝高陽氏位於壇上東方西向玄冥位於壇下卯階之南辰星轸管玄枵星紀位於壇下子階之東西上斗宿牛宿女宿虛星危宿室宿壁宿位於壇下子階之西東上凡正

太常陳玉於神位之左

配從祀神位席並同青帝壇

青帝玉以青珪赤帝以赤璋黃帝以黃琮白禮神之玉帝以白琥黑帝以黝璜盛於匣幣皆隨具方色

奠於神前燔玉加於幣

配位不用玉

陳幣篚各於神位之左

正配位幣各隨方也

祝版各於神位之右置之坵次設祭器光祿

實之正配位各左十有二籩為三行以右為上

第一行形鹽在

前魚鱸糗餌粉簋次之第二行榛實在前乾桃
乾榛乾棗次之第三行菱在前芡稊鹿脯次之右十有

二豆為三行以左為上

第一行芹蒹在前荀蒹葵蒹菁
蒹次之第二行韭蒹在前配食

魚醢兔醢次之第三行豚拍
在前鹿醢醢醢糝食次之

俎二一在籩前

實以羊腥
七體兩髀

酉肩兩脅并脊兩髀在兩
端兩肩兩脅次之脊在中

又俎四在豆右為二重以北

為上

第一重實以羊腥腸胃肺離肺一在上端刳肺三次
之腸三胃三又次之一實以豕腥膚其載如羊皆

羊在左豕在右若
配位即以東為上

登一在籩豆間

實以大羹

藥一在登前

實以

毛簋二簋二在籩豆外簋在左簋在右

簋實以稻梁
在稻前簋實以

黍稷稷
在黍前

設犧尊五象尊五為二重在壇上東南隅北向

西上

配位即設於正位酒尊之東

犧尊在前皆有坫加勺罍為酌尊

犧尊

一實明水為上尊餘皆實泛齊代以供內法酒初

獻酌之象尊一實明水為上尊餘皆實醴齊代以祠祭

法酒亞終

又設太尊二山尊二在神位前

太尊一實泛齊山尊一實

獻酌之

醴齊各以一

著尊二犧尊二在壇下午階之西

著尊一實以盞

導實明水

齊犧尊一實醴齊各以一尊實明水若配位即設於壇下西階之北

象尊二壺尊六在壇

下午階之東

象尊一實明水一實沈齊壺尊三實玄酒三實三酒明水玄酒皆在上若配位即設

於壇下西階之南

俱北向西上

若配位即東向北上

皆加帛五齊三酒設

而不酌又設從祀諸神每位各左二簋

東在前座脯次之

右二

豆

菁菹在前
鹿鶩次之

俎一在籩豆前

實以羊
豕腥肉

爵一次之

實以祠
祭法酒

簋一簋一在爵之前簋在左簋在右

簋實稷
簋實黍

又設象尊

四二於阼階之南五官位二於子階之東五星三辰位

皆在神位之左壺尊二設於子階之西七宿位在神位

之右

皆實以祠
祭法酒

太常設燭於神位前設俎四於饌幔內

洗二於阼階東北向

盥洗在東
爵洗在西

壘在洗東加勺篚在洗

西南肆實以巾

若洗爵之篚則
實以爵加玷

又設禮官盥洗位於陛

道之左俱內向執壘篚者位於其後又設揖位於阼階

欽定四庫全書

明和正禮部
卷五十

之東內墻之外如省牲位

唯不設光祿卿
丞郊社令位

積柴於燎壇

設望燎位於其北三獻官禮官在北南向西上監察御史在西東向兵部工部郎中大樂令奉禮郎太祝在東西向北上又設三獻官禮官席位於郊階之東北西向南上兵部工部郎中席位於郊階之東南西向北上設監察御史大樂令席位於午階之南北向奉禮郎太祝太官令於其後俱西向光祿卿席位於監察御史之東北向又設監察御史位於壇下樂廡之北在西東向奉

禮郎太祝在東西向北上大樂令在樂廡之北太官令在酌尊所俱北向

省牲器

前祀一日行事執事官集初獻齋所肄儀太祝習讀祝文視玉幣及神位版訖並赴壇所各就次禮直官贊者分引行事執事官詣壇東省牲位

凡初獻行事禮直官引餘官皆贊者引

立定禮直官贊揖次引監察御史升自卯階

凡行事執事官升降

皆自卯階視滌濯執事者舉冪曰潔降復位禮直官稍前曰

告潔畢請省牲太祝出班巡牲一匝詣初獻前西向躬
曰充退復位光祿丞出班巡牲一匝詣初獻前西向躬
曰肅退復位禮直官贊省牲畢請詣省饌位揖訖引行
事執事官各就位立定禮直官贊揖所司省饌具畢禮
直官贊省饌畢揖訖俱還齋所光祿丞太祝以次牽牲
詣厨授太官令次引監察御史詣厨省鼎鑊視祭器滌
溉乃還齋所未後一刻太官令帥宰人以鸞刀割牲祝
史以槃取毛血置於饌所遂烹牲晡後郊社令帥其屬

掃除壇之上下訖還齋所

奠玉幣

祀日丑前五刻

行事春冬用丑時七刻秋夏用丑時一刻

初獻以下並赴壇

所就次郊社令先入視設神位版訖退次太官令帥其屬實饌具畢次引光祿卿入詣午階南席位北向立贊

者曰再拜光祿卿再拜升壇點視禮饌畢次引監察御

史升壇點閱陳設糾察不如儀者

凡點視點閱皆先詣正位

樂正帥

登歌工人升自卯階各就位光祿卿還齋所餘官各服

祭服次引行事執事官各就外階東內壇外揖位立定
禮直官贊揖次引大樂令先入就午階南席位北向立
贊者曰再拜大樂令再拜升壇就位次引監察御史奉
禮郎太祝太官令入就午階南席位北向立次引三獻官
禮部兵部工部郎中入就外階東席位西向立禮直官
稍前贊有司謹具請行事高安之樂作六成止太常升
烟燔牲首贊者曰再拜在位者皆再拜次引監察御史
奉禮郎太祝太官令俱陞壇各就位立定

太官令就
位酌尊所次

引初獻詣盥洗位正安之樂作

初獻升降行止皆作正安之樂

至洗位

北向立搢笏盥手悅手執笏升壇詣青帝神位前北向立樂止嘉安之樂作搢笏跪次引奉禮郎搢笏西向跪執事者以玉幣授初獻執笏興先詣太昊氏神位前北向立初獻授玉幣奠訖執笏俛伏興再拜次詣太昊氏神位前東向立

酌獻詣配位准此

奠幣如上儀樂止奉禮郎復位

初獻將降壇樂作復位樂止

進熟

祀日有司設鼎四於神厨各在鑊右光祿帥進饌者詣

厨以匕升羊於鑊實於一鼎

肩臂臑肫脰正脊一直脊一橫脊一長脅一短脅一

代脅一臂二骨以並

次升豕如羊實於一鼎

正配位羊豕各一鼎

皆設扃冪

祝史對舉入設於饌幔內俟初獻既升奠玉幣入陳於

郊階下西向南上祝史抽扃委於鼎右除冪初鼎序入

有司執匕及俎以從至郊階下俎各設于鼎西北加於

鼎光祿以匕加於鼎光祿以匕升羊載於一俎

肩臂臑肫在上端

肫脰在下端脊脅在中

次升豕如羊載於一俎

正配位羊豕各一鼎

鼎先

退次引兵部工部郎中詣夕階下搢笏奉俎

兵部奉羊
工部奉豕升

壇豐安之樂作詣青帝神位前北向跪奠先薦羊次薦

豕各執笏俛伏興有司設於豆右腸胃膚之前

羊在左
豕在右

次詣太昊氏神位前東向奉俎如上儀樂止俱降復位

次引初獻再詣盥洗位樂作至洗位北向立搢笏盥手

悅手執笏次詣爵洗位北向立搢笏洗爵拭爵以授執

事者執笏升詣正位酌尊所西向立樂止僖安之樂作

執事者以爵授初獻初獻搢笏執爵執尊者奉冪太官

令酌犧尊之泛齊訖先詣配位酌尊所北向立初獻以爵授執事者執笏詣青帝神位前北向立搢笏跪執事者以爵授初獻初獻執爵三祭酒奠爵執笏俛伏興少立樂止次引太祝詣神位前東向搢笏跪讀祝文讀訖執笏興先詣帝太昊氏神位前南向立初獻再拜次詣帝太昊氏神位前酌獻並如上儀樂止太官令復詣正位酌尊所太祝復位初獻將降壇樂作復位樂止次引亞獻詣盥洗位北向立搢笏盥手悅手訖執笏詣爵洗

位北向立搢笏洗爵拭爵以授執事者執笏升壇詣正位酌尊所西向立文安之樂作執事者以爵授亞獻亞獻搢笏執爵執尊者舉冪太官令酌象尊之醴齊訖洗詣配位酌尊所北向立亞獻以爵授執事者執笏詣青帝神位前北向立搢笏跪執事者以爵授亞獻亞獻執爵三祭酒奠爵執笏俛伏興再拜次詣帝太昊氏神位前酌獻並如上儀樂止降復位次引終獻詣洗及升壇行禮並如亞獻之儀降復位初亞獻將升獻引禮官詣

盥洗位搢笏盥手悅手執笏詣五官神位前搢笏跪執
爵三祭酒奠爵執笏俛伏興再拜訖詣五星三辰七宿
位祭奠行禮如上儀畢復位禮直官曰賜胙贊者承傳
曰賜胙再拜在位者皆再拜訖送神高安之樂作一成
止

望燎

初高安之樂畢引三獻官禮部兵部工部郎中詣望燎
位有司各詣神位前取玉幣祝版置於燎壇次引監察

御史大樂令奉禮郎太祝降壇詣望燎位立定禮直官
曰可燎火燎半柴次引初獻以下詣東壝門外揖位立
禮直官贊禮畢揖訖退太官令帥其屬徹禮饌監察御
史詣壇監視收徹訖還齋所光祿以胙奉進監察御史
就位展視訖光祿卿望闕再拜訖乃退

政和五禮新儀卷五十

欽定四庫全書

政和五禮新儀卷五十一

吉禮

皇帝祀高禩儀上

時日

齋戒

陳設

車駕自大慶殿詣青城

省牲器

奠玉幣

進熟

望燎

車駕還內

時日

前期降御札以來年春分日祀高禩太常寺具時日散
告

齋戒

前祀十日質明有司設行事執事及陪祠文武官位於
朝堂太宰刑部尚書在北南向太宰在左刑部尚書在
右

刑部尚書稍却

行事太宰左丞在南吏部戶部禮部兵部工

部尚書吏部禮部侍郎大司樂光祿卿大樂令光祿丞

在其南

凡設大樂令光祿丞位皆稍却如朝獻朝享即功臣獻官在光祿丞下

次分獻官

次執事官又在其南俱北向西上監察御史位二在西東

向北上讀冊舉冊官奉禮協律郎太祝郊社太官令在

東西向北上

奉禮郎以下位皆稍却

設陪祠文武百官位於行事

官之南又設行事執事及陪祠親王宗室位於太廟齋

坊少宰刑部侍郎在北南向少宰在左刑部侍郎在右

刑部侍郎稍却

亞終獻在南北向西上親王及行事執事陪祠

宗室在東西向北上東上閤門御史臺太常寺以下分

引羣官各就位

凡帥引行事執事陪祠文武官立班即御史臺引殿中侍御史一員先入就位

太宰讀誓於朝堂刑部尚書涖之少宰讀誓於太廟齋

坊刑部侍郎涖之誓文曰今年某月某日春分皇帝祀

高禘

如朝獻朝享即云前二日朝獻景靈宮前一日朝享太廟

各揚其職其或不恭

國有常刑讀訖

內朝堂執事官奉禮郎以下文官宣德郎以下武官從義郎以下先退

餘

並對拜訖退皇帝散齋七日於別殿致齋三日

二日於大慶殿一日

於青城如朝獻朝享即一日於大慶殿一日於太廟一日於青城

凡散齋不弔喪問病

作樂有司不奏刑殺文書致齋日前後殿不視事唯行

祀事前致齋一日殿中監帥其屬尚舍鋪御座於大慶

殿當中南向設東西房於御座之左右稍北又設西閣

及齋室於殿後之左右殿上前楹施簾致齋之日質明

有司陳大駕鹵簿於宣德門外尚輦陳平輦於垂拱殿
庭文武百官俱就次各服其服東上閤門奏請皇帝未
後詣齋室通事舍人等自下分引知樞密院事以下詣
垂拱殿庭立班東上閤門附內侍進班齊牌垂拱殿簾
降皇帝乘輦出至殿上少駐輦官迎駕自贊常起居宣
輦官上殿簾卷鳴鞭行門禁衛諸班親從迎駕自贊常
起居次舍人先贊知內侍省官以下常起居次樞密以
下通班常起居贊祇候引駕樞密知客省事以下至簽

書東上閣門官分左右立六尚局應奉官祇應通侍大夫以下武功大夫以下並先退次管軍臣僚宣名常起居贊祇候引駕並分左右前導輦降東階垂拱殿門外

禁衛諸班親從自贊常起居次行宮使御營巡檢一班

常起居

如通侍大夫以下知客省事以下武功大夫以下知內侍兩省帶御器械官充行宮使御營巡

檢各歸本班

至大慶殿後閣降輦入西門大慶殿簾降前導

官並就次易朝服詣御榻前分左右侍立

知樞密院事簽書樞密院

事在東西向北上同知樞密院事在東西向左輔一員在知樞密院事之北贊拜東上閣門官一員又在其北

並西向知客省事以下在簽書樞密院事之南稍
東西向北上簽書客省事以下又在其南稍却
通事

舍人等分引行事執事陪祠文武官各綰結佩入詣大
慶殿庭立班引禮部侍郎奏請中嚴侍臣詣幄奉迎內
外符寶郎奉寶先出陳於御榻之左右少頃引禮部侍
郎奏外辦皇帝服通天冠絳紗袍綰結佩出西閣乘輿
稱警蹕侍衛如常儀由西房至御榻西降輿皇帝即御
座南向侍臣夾侍贊拜東上閣門官於榻前贊樞密使
以下拜殿之上下應在位官皆再拜

東上閣門官贊拜
訖轉身北向隨拜

訖面西贊
各祇候

次禮直官引左輔詣御座前俯伏跪奏稱左

輔具官臣某言請皇帝降座就齋室奏訖俯伏興還侍

位凡左輔奏請准此

皇帝降座乘輿由東方入齋室侍臣各還

所司直衛者如常儀通事舍人分引行事執事陪祠文

武官以次出

三省親王樞密宗室起居問聖體並如儀

應行事執事陪祠官

及從升者並散齋七日宿於正寢致齋三日各宿於其

次三省樞密院官各宿於本所及都堂侍從三省尚書侍郎分宿於秘書省中書後省餘官內庭有所司者

各宿於其司諸方客使許陪位者各宿於其次凡散齋治事如故唯不弔喪問

疾作樂判書刑殺文書決罰罪人及與穢惡致齋之日
官給酒饌唯祀事得行其餘悉禁與祀之官已齋而闕
者通攝行事

陳設

前祀三日殿中監帥其屬尚舍設大次於外壝東門之
內道北南向小次於午階之東西向儀鸞司設文武侍
臣次於大次之前隨地之宜行事陪祠官宗室及有司
次於外壝東門之外設東方南方客使次於文官之後

西方北方客使次於武官之後設饌幔於內壝東門之外
道北南向前祀二日郊社令帥其屬掃除壇之上下積
柴於燎壇光祿宰牲詣祠所大晟陳登歌之樂於壇上
稍南北向設官架於壇南內壝之外立舞表於鄼綴之
間前祀一日太常設神位席太史設神位版青帝位於
壇上北方南向席以橐秸帝伏犧氏帝高辛氏位於壇
上東方西向北上又設簡狄姜嫄位於壇下卯階之南
西向北上皆席以莞

告潔畢
權徹

奉禮郎禮直官設皇帝位

版於壇下小次前西向飲福位於壇下午階之西北向望燎位於柴壇之北南向設燿火於望燎位之東南向

東西各六人

贊者設亞終獻位於小次之南稍東西向大禮

使太宰左丞又於其南行事吏部戶部兵部工部尚書

吏部禮部侍郎光祿卿讀冊官光祿丞位於大禮使之東

光祿丞稍却

分獻官又於其東奉禮郎搏黍太祝郊社大官

令位於小次之東北俱西向北上監察御史位二一於壇下午階之西南一於子階之西北俱東向協律郎位

二一於壇下樂廡之西北一於宮架之西北俱東向大
樂令位於登歌樂廡之北大司樂位於宮架之北良醞
令位於酌尊所俱北向又設陪祠文武官位於執事者
之南諸方客使在文武官之南隨其方國光祿陳牲於
東壝門外西向祝史各位於牲後太常設省牲位於牲
西太禮使太宰左丞在南北向西上分獻官位於其後
行事吏部戶部禮部兵部工部尚書吏部禮部侍郎大
司樂光祿卿讀冊舉冊官大樂令光祿丞奉禮協律郎

搏黍太祝郊社太官令在北南向西上

凡設大樂令以下位皆稍却

監察御史在吏部尚書之西異位稍却光祿陳禮饌於東壝門外道北南向太常設省饌位版於禮饌之南大禮使太宰左丞在南北向西上分獻官位於其後監察御史位二俱在西東向北上行事吏部戶部禮部兵部工部尚書吏部禮部侍郎大司樂光祿卿讀冊舉冊官大樂令光祿丞奉禮協律郎搏黍太祝郊社太官令在東西向北上禮部帥其屬設祝冊案於神位之右司尊

爨帥其屬設王幣篚於酌尊所次設籩豆簋簋之位正

配位皆左十有一籩右十有一豆俱爲三行俎三二在

籩前一在豆前又俎六在豆右爲二重登一在籩豆前

簋一簋一在籩豆外簋在左簋在右又設尊坫之位

正配位北太尊五山尊五爲二重在壇上東南隅北向

西上

配位以次設於
正位酒尊之東

太尊在前皆有坫加勺幕爲酌尊

又太尊二山尊二在神位前著尊二犧尊二在壇下午

階之西

配位設於壇
下西階之北

象尊二壺尊六在壇下午階之西

配位設於壇
下西階之南

俱北向西上

配位即東
向北上

皆加幂設而不酌

又設從祀神位左十籩右十豆俱爲三行俎三二於籩
前一於豆前又俎六在豆右爲二重簋二簋二在籩豆
外簋在左簋在右爵一在神位前加坩犧尊三有坩內
在神位之左設御弓矢弓韉致於祿神之前又設俎十
有五及籩豆簋各三於饌幔內太常設御洗二於壇
下午階東南北向

盥洗在東
爵洗在西

壘在洗東加勺篚在洗西

南肆實以巾

若爵洗之篚則
又實以爵加坩

設皇帝位於洗南北向內

侍酌水位於洗東執巾位於酌水內侍之北俱西向吏部侍郎位於爵洗之西東向又設亞終獻盥洗位於本位之南分獻官盥洗於從祀神位之前壘籩各設於左右皆內向執壘籩者各位其後祀日丑前五刻郊社令與太史官屬各服其服升壇設青帝帝伏犧氏帝高辛氏神位版於壇上簡狄姜嫄氏神位版於壇下太府卿少府監帥其屬陳玉幣於籩

玉青帝以青圭盛於匣配位及從祀神位皆不用玉

幣皆以青

禮神之玉置於神位前燔玉加於幣光祿卿帥其

屬入實籩豆簠簋

籩三行以右爲上第一行形鹽在前魚鱸糗餌次之第二行榛實在前乾

桃乾榛乾棗次之第三行菱在前芡栗鹿脯次之豆三行以左爲上第一行芹菹在前筍菹菁菹次之第二行

韭菹在前醢食魚醢兔醢次之第三行豚拍在前鹿醢醢次之簠實以稻簋實以黍登實以大羹

太官

令帥其屬入實俎

籩前之俎第一重實以牛腥七體兩肩兩脅并脊兩脾在兩端兩肩

兩脅次之脊在中第二重實以羊腥七體其載如牛豆前之俎實以豕腥七體其載如羊豆右之俎爲三重以

北爲上第一重一實以牛腥腸胃肺離肺一在上端剖肺三次之腸三胃三又次之一實以羊腥腸胃肺其次

如牛一實以豕腥膚九橫載第一重一實以牛熟腸胃肺一實以羊熟腸胃肺一實以豕熟膚其次如腥皆牛

在左羊在中豕在右若配位則皆以東爲上

良醢令帥其屬入實尊

太尊實以泛齊

山尊實以醴齊著尊實以盎齊犧尊實以醴齊象尊實以沉齊各以一尊實明水壺尊三實玄酒三實三酒明

水玄酒

又實從祀神位之饌

籩三行以右爲上第一行形鹽在前魚鱣稊餌次之

第二行乾棗在前乾桃乾榛次之第三行菱在前芡與鹿脯次之豆三行以左爲上第一行芹菹在前荀菹葵菹次之第二行菁菹在前韭菹魚醢次之第三行兔醢在前豚拍醢醢鹿醢次之簋實以稻粱粱在稻前簋實以黍稷稷在黍前羹

實與正配位並同

又實從祀神位之尊

一實明水爲上尊一實醢

齊分獻官酌之

太常設燭於神位前又設大禮使以下行事執

事官揖位於外階之東內壝外如省牲位所司陳異寶

嘉瑞及伐國之寶於宮架之南東西相向

政和五禮新儀卷五十一

欽定四庫全書

政和五禮新儀卷五十二

吉禮

皇帝祀高禩儀中

車駕自大慶殿詣青城

前祀一日陪祠文武官先詣高禩壇齊宮其日導駕官
以下就次各服其服尚輦奉御進輿於大慶殿乘黃令
進玉輅於宣德門內南向設千牛將軍一員位於輅前

北向門下侍郎一員位於左輔之前贊者二人位又於其前少頃東上閣門御史臺太常寺分引左輔門下侍郎太僕卿乘黃令詣大慶殿西階下立北向東上乘黃令位其後次引導駕官在其後分東西相向立以俟奉迎前導次管軍臣僚次行宮使御營巡檢等又在其後禮直官通事舍人引禮部侍郎奏請中嚴凡左輔門下侍郎奏請皆禮直官通事舍人引少頃又奏外辦皇帝服通天冠絳紗袍乘輿以出降自西階稱警蹕如常儀宣贊舍人贊左輔

以下常起居次導駕官常起居

已起居者止
奏聖躬萬福

次管軍臣

僚次行宮使御營巡檢等常起居

該宣名者
即宣名

太僕卿出

詣玉輅所攝衣而升正立執轡導駕官前導皇帝出大

慶殿門外至玉輅所千牛將軍前跪執轡左輔進當輿

前俯伏跪奏左輔具官臣某言請皇帝降輿升輅奏訖

俯伏興退復位

凡左輔奏
請准此

乘黃令稍前東向進玉輅皇

帝降輿升輅太僕卿立授綬導駕官分左右步導門下

侍郎進當輅前俯伏跪奏門下侍郎具官臣某言請車

欽定四庫全書

禮和五禮新儀
卷五十二

二

駕進發奏訖俯伏興退復位

凡門下侍郎奏請准此

車駕動稱警

蹕左輔先詣宣德門內以俟門下侍郎及贊者夾侍以出千牛將軍夾輅而趨車駕將及宣德門至侍臣上馬所門下侍郎奏請車駕少駐勅侍臣上馬左輔前承旨退稱曰制可門下侍郎傳制稱侍臣上馬贊者承傳勅侍臣上馬諸侍衛之官各督其屬左右翊駕在黃麾內符寶郎奉八寶前導殿中監後部從導駕官夾侍以前贊者在左輔門下侍郎之前侍臣上馬畢次大內留守

於宣德門外再拜奉辭門下侍郎奏請車駕進發車駕
動稱警蹕不鳴鼓吹大駕鹵簿前導詣青城車駕將至
青城東上閣門御史臺分引陪祠文武官宗室客使禮
直官贊者引行事執事官俱詣泰禋門外立班再拜奉
迎訖退

內已起居者止
奏聖躬萬福

車駕及門少駐文武侍臣皆下

馬導駕官步導入門車駕動千牛將軍夾輅而趨至端
誠殿前迴輅南向千牛將軍立於輅右左輔奏請皇帝
降輅乘輿尚輦奉御進輿於輅後皇帝降輅乘輿入齋

殿侍衛如常儀導駕官步導至殿門皇帝降輿歸殿後
閣簾降通事舍人承旨勅羣官各還次學士院以祝冊
授通進司進御書訖付尚書禮部

如朝獻朝享即並如
冬祀大禮駕自太廟

詣青
城儀

省牲器

省牲之日午後十刻去壇三百步禁行者未後二刻郊
社令帥其屬掃除壇之上下司尊彝帥府史及執事者
以祭器入設於位

凡設祭器皆藉以
席籩豆又加巾蓋

太府卿少府監陳

玉幣於篚

告潔畢
權徹

未後三刻禮直官贊者分引大禮使

以下詣東壝門外省牲位立定光祿卿丞與執事者牽

牲就位禮直官贊揖訖贊者引大司樂入行樂架

凡亞
終獻

行事皆禮直官太常博士引大禮使太宰
左丞行事皆禮直官引餘官皆贊者引

次引禮部尚

書升自邠階視滌濯

凡行事執事者
升降皆自邠階

次又引太宰申眡

滌濯執事者皆舉冪曰潔俱復位禮直官稍前曰告潔

畢請省牲次引禮部尚書侍郎稍前省牲訖退復位次

引光祿卿出班巡牲一匝西向躬曰充曰備次引光祿

丞出班巡牲一匝西向躬曰脂俱後位禮直官稍前曰
省牲畢請就省饌位贊揖訖引大禮使以下各就位立
定禮直官贊揖所司省饌畢贊揖訖俱還齋所光祿卿
丞及執事者以次牽牲詣厨授大官令次引禮部尚書
詣厨省鼎鑊視滌漑協律郎展視樂器及還齋所脯後
一刻大官令帥宰人以鷺刀割牲祝史各取毛血實於
槃俱置饌所遂烹牲郊社令帥其屬掃除壇之上下

奠玉幣

祀日丑前五刻

行事用丑時七刻

諸祀官及陪祠之官各服其

服郊社令與太史官屬入設神位版太府卿少府監入
陳玉幣光祿卿入實籩豆簋簋太官令入實俎良醢令
入實尊樂正帥工人二舞以次入與執尊壘籩罍者各
就位引分獻官執事官詣從祀神位前立次通事舍人
等分引陪祠文武官及宗室客使各入就位次禮直官
贊者分引大禮使以下行事執事官就郊階內壝門外
揖位立定禮直官贊揖次引監察御史次引大禮使以

下入就位次引監察御史按視壇之上下糾察不如儀者退復位尚輦奉御進輿於齋殿皇帝服通天冠絳紗袍乘輿以出近侍及扈從之官導從至大次門外皇帝降輿入次簾降禮儀使樞密院官太常卿東上閣門官太常博士禮直官分立於大次外之左右次引禮部侍郎讀前奏請中嚴少頃又奏外辦符寶郎奉寶陳於宮架之北禮儀使當次前俯伏跪奏禮儀使其官臣某言請皇帝行事奏訖俯伏興還侍位

禮儀使奏禮宰准此

簾卷皇帝

服袞冕以出侍衛如常儀禮儀使以下前導至中壝門

外殿中監跪進大圭殿中少監副之

凡殿中監進圭受圭皆少監副之

禮儀使奏請執大圭前導皇帝入自正門

侍衛不應入者止於門外

協律郎跪俯伏舉麾

凡行事執事取物奠物皆跪俯伏興

工鼓祝宮架儀

安之樂作

皇帝升降行止皆作儀安之樂

至午階版位西向立偃麾憂

敵樂止

凡樂皆協律郎跪俯伏舉麾興工鼓祝而後作偃麾憂敵而後止

禮儀使於下

分左右侍立

凡行禮皆禮儀使樞密院官太常卿東上閤門官太常博士禮直官前導至位前分

立於左右禮儀使前奏有司謹具請行事宮架作景安之樂

帝臨降康之舞六成止太常升煙燔牲首禮儀使奏請再拜皇帝再拜贊者曰再拜在位官皆再拜內侍取玉幣於筐立於尊所次引太宰吏部尚書侍郎升詣青帝神位前北向立內侍先設繅藉於地禮儀使奏請跪奠鎮圭於繅藉執大圭俯伏興又奏請搢大圭跪內侍加玉於幣以授吏部尚書吏部尚書以授太宰太宰西向跪以進禮儀使奏請受玉幣皇帝受奠訖吏部侍郎東向跪受以興進奠於青帝神位前太宰吏部尚書侍郎

俱詣帝伏犧氏神位前以俟

次詣帝高辛氏神位前准此

禮儀使奏

請執大圭俯伏興內侍取鎮圭繅藉詣帝伏犧氏神位

前先設繅藉於地

次詣帝高辛氏神位前准此

禮儀使奏請再拜皇

帝再拜樂止禮儀使前導皇帝詣帝伏犧氏次詣帝高

辛氏神位前東向奠幣並如上儀太宰以下俱復位禮

儀使前導皇帝還版位登歌樂作內侍舉鎮圭繅藉以

鎮圭授殿中監以還有司皇帝降階樂止宮架樂作至

版位西向立樂止初皇帝將奠配位之幣引分獻官詣

卷五十二
盥洗位搢笏盥手帨手執笏詣簡狄氏神位前搢笏跪
次引奉禮郎北向跪執事者以幣授奉禮郎奉禮郎奉
幣授分獻官執笏俯伏興先詣簡狄氏神位前北向立
分獻官授幣奠訖俯伏興再拜次詣姜嫄氏神位前奠
幣如上儀退復位祝史奉毛血槃立於壝門外由其陞
升大祝迎於壇上俱進奠於神位前太祝興執事者退
立於尊所

政和五禮新儀卷五十二

欽定四庫全書

政和五禮新儀卷五十三

吉禮

皇帝祀高禩儀下

進熟

祀日有司陳九鼎於神廚各在鑊右太官令帥進饌者

詣廚以匕升牛於鑊實於一鼎

肩臂臑肫胙正脊一直脊一橫脊一長脅一短

脅一代脅一背二骨以並

次升羊如牛實於一鼎次升豕如羊實於

一鼎

正配每位牛羊豕各一鼎

皆設扃褹祝史對舉陳於饌幔內重

行西向以南爲上光祿實籩豆簠簋於饌幔內

籩實以粉糝豆

實以糝食簠實以梁簠實以稷

次引禮部侍郎詣饌所視腥熟之節俟

皇帝升奠玉幣訖還位樂止引禮部尚書詣饌所執籩

豆簠簋以入戶部兵部工部尚書詣饌所奉俎以入太

官令引入正門宮架豐安之樂作設於外階之下北向

西上奉牲者在東祝史抽扃委於鼎右除褹初鼎序入

有司執七及俎以從至外階下各設於鼎西七加於鼎

太官令以七升牛載於一俎

肩臂膊在上端肱膈在下端脊骨在中

次升

羊及豕如牛各載於一俎

正配每位牛羊豕各一俎

鼎先退俟祝史

進徹毛血槃以次出次引禮部尚書搢笏執籩豆簋簋

戶部兵部工部搢笏奉俎以升執事者各迎於壇上禮

部尚書奉籩豆簋簋詣青帝神位前北向跪奠啓蓋於

下執笏俯伏興有司設籩於糗餌前豆於醢醢前簋於

稻前簋於黍前次引戶部兵部工部尚書奉俎

戶部奉牛兵部

奉羊工部奉豕

詣青帝神位前北向跪奠先薦牛次薦羊又薦

豕各執笏俯伏興有司設於豆右腸胃膚之前

牛在左羊在中

豕在右

次詣帝伏犧氏次詣帝高辛氏神位前東向跪奠

並如上儀樂止次引執事者詣壇下從祀神位前俱奉

俎跪奠訖退復位

俎皆牛羊豕各一其載與正配位俎並同皆先設於本位之南

太祝

取菹孺於醢祭於豆間三又取黍稷肺祭如初皆藉用

茅各還尊所引太宰左丞詣青帝神位前西向立以北

爲上吏部侍郎詣爵洗位東向立禮儀使前導皇帝詣

盥洗位宮架樂作至洗位北向立樂止內侍酌水以進

禮儀使奏請搢大圭盥手內侍跪取巾於篚興以進皇
帝帨手內侍受巾跪奠於篚禮儀使奏請執大圭前導
皇帝詣爵洗位宮架樂作至洗位北向立樂止吏部侍
郎跪取爵於篚興以進禮儀使奏請搢大圭受爵內侍
酌水以進禮儀使奏請洗爵內侍跪取巾於篚興以進
皇帝拭爵內侍受巾跪奠於篚吏部侍郎受爵升自午
階禮儀使奏請執大圭前導皇帝升壇宮架樂作至午
階樂止升自午階登歌樂作至壇上樂止登歌歆安之

樂作吏部侍郎奉爵詣正位酌尊所西向立執尊者舉
冪良醢令酌太尊之泛齊訖先詣帝伏犧氏酌尊所北
向立禮儀使前導皇帝詣青帝神位前北向立禮儀使
奏請搢大圭吏部侍郎以爵授左丞左丞授太宰太宰
西向跪以進禮儀使奏請執爵祭酒三祭於茅苴奠爵執大
圭俯伏興又奏請少立樂止太宰左丞俱詣帝伏犧氏
神位前北向立以俟舉冊官舉祝冊進於青帝神位之
右讀冊官搢笏東向跪讀冊文讀訖執笏興先詣帝伏

犧氏神位前南向立禮儀使請再拜皇帝再拜有司奠
冊於青帝神位前禮儀使前導皇帝詣帝伏犧氏次詣
帝高辛氏神位前酌獻並如上儀

惟登歌作
承安之樂

太宰以下

俱復位禮儀使前導皇帝還版位登歌樂作降階樂止
宮架樂作至版位西向立樂止禮儀使奏請還小次宮
架樂作將至小次禮儀使奏請釋大圭殿中監跪受大
圭皇帝入小次簾降樂止文舞退武舞進宮架容安之
樂作舞者立定樂止初皇帝將詣小次禮直官太常博

士引亞獻官詣盥洗位北向立搢笏盥手執笏詣爵洗位北向立搢笏洗爵拭爵以授執事者執笏升詣青帝酌尊所西向立宮架作隆安之樂神保錫羨之舞執事者以爵授亞獻亞獻搢笏執爵執尊者舉冪太官令酌山尊之醴齊訖先詣帝伏犧氏酌尊所北向立亞獻以爵授執事者執笏詣青帝神位前北向搢笏跪執事者以爵授亞獻執爵祭酒三祭於茅苴奠爵執笏俯伏興少退北向再拜次詣帝伏犧氏次詣帝高辛氏神位前酌獻

並如上儀樂止降復位初亞獻行禮將畢次禮直官太
常博士引終獻詣洗及升壇酌獻並如亞獻之儀降復
位初亞獻將升贊者引分獻官詣盥洗位搯笏盥手悅
手執笏詣簡狄氏神位前搯笏跪執爵三祭酒奠爵執
笏俯伏興少立次引太祝搯笏跪讀祝文讀訖執笏興
太祝復位分獻官再拜詣姜嫄神位前酌獻如上儀

不讀

祝文

退復位初皇帝既奠玉幣光祿以牛左臂一骨及長

脅短脅俱二骨以並載於胙俎設於壇下飲福位之西

俟終獻既升引戶部尚書搏黍太祝太官令詣飲福位
東向立奉俎豆爵酒者各位於其後禮儀使奉請詣飲
福位簾卷出次宮架樂作殿中監跪進大圭禮儀使奏
請執大圭前導皇帝詣飲福位將至位樂止宮架僖安
之樂作皇帝至飲福位北向立尚醞典御執尊升詣酌
所良醞令酌上尊福酒合置一尊典御奉尊降詣飲福
位以授殿中奉御執爵殿中少監酌之奉御以爵酒授
殿中監殿中監西向捧以立禮儀使奏請再拜皇帝再

拜殿中監跪以爵酒進禮儀使奏請搢大圭跪受爵祭

酒

三祭於地

啐酒奠爵殿中監跪受爵以興諸太祝帥執事

者持胙俎進減神位前正脊二骨橫脊二骨加於俎上
內侍受俎以授戶部尚書戶部尚書西向跪以進皇帝
受俎奠之戶部尚書受俎以興退復位太官令取黍於
簋搏以授太祝太祝受以豆東向跪進皇帝受訖奠之
太祝受豆以興退復位次殿中監再跪以爵酒進禮儀
使奏請受爵飲福酒奠爵殿中監受虛爵興以授典御

奉御執事者俱退復位禮儀使奏請執大圭俯伏興又
奏請再拜皇帝再拜樂止禮儀使前導皇帝還版位宮
架樂作至版位西向立樂止次引禮部尚書升壇徹籩
豆戶部工部尚書升壇徹俎籩豆牛羊豕俎各一俱少移故處登歌成
安之樂作卒徹樂止禮部尚書以下降復位禮直官曰
賜胙行事陪祠官再拜贊者承傳曰賜胙再拜在位官
再拜送神宮架景安之樂作一成止

望燎

景安之樂畢禮儀使奏請詣燎位前導皇帝詣望燎
位宮架樂作至位南向立樂止初賜胙再拜訖郊社令
以黍稷肺祭藉以白茅束之吏部侍郎帥太祝執籩進
詣神位前取玉幣祝冊藉以茅以俎載牲體黍稷飲爵
酒各由其階降壇南行詣柴壇自南階升以玉幣祝冊
饌物置於燎柴執事者又以從祀神位之幣及祝冊饌
物從燎禮直官曰可燎舉燿火東西各以炬燎半柴禮
儀使奏禮畢前導皇帝還大次宮架樂作出中壝門外

禮儀使奏請釋大主殿中監跪受大主以還有司侍衛如常儀皇帝至大次樂止禮部郎中奏解嚴引大禮使以下詣外階之東內墻外揖位立禮直官贊禮畢揖訖退通事舍人引陪祠文武官及宗室客使以次出將士

不得輒離部伍

端誠殿受賀並如冬祀大禮儀

車駕還內

前期殿中監帥其屬尚舍設御幄於大慶殿門外之東南向大晟設宮架於宣德門外稍南其日祀事禮畢所

司轉伏衛鹵簿於還途如來儀文武百僚宗室客使先詣宣德門外就次以俟立班奉迎乘黃令進金輅於行宮殿門外南向千牛將軍一員執長刀立於輅右尚輦奉御進輿於齋殿導駕官俱詣齋殿門外奉迎禮部侍郎奏請中嚴少頃又奏外辦簾卷皇帝服通天冠絳紗

袍乘輿以出應導駕官等並迎駕奏聖躬萬福

內祇應官贊謝

皆再拜

太僕卿出詣金輅所攝衣而升正立執轡皇帝乘

輿降自西階至金輅所左輔奏請皇帝降輿升輅

有司仍具

大輦若乘輦即
奏云降輿乘輦

太僕卿授綬千牛將軍馭駕如來儀門

下侍郎奏請車駕進發車駕動稱警蹕侍衛如來儀至侍
臣上馬所門下侍郎奏請車駕少駐勅侍臣上馬左輔
前承旨退稱曰制可門下侍郎傳制稱侍臣上馬贊者
承傳勅侍臣上馬門下侍郎奏請車駕進發車駕動稱
警蹕鼓吹及諸軍樂振作車駕將至宣德門外文武百
僚宗室客使立班再拜奉迎次大內留守見再拜訖退
車駕至宣德門外少駐文武侍臣皆下馬步導千牛將

軍立於輅右車駕動千牛將軍夾輅而趨大樂正奏采
茨之樂入門樂止車駕至御幄前左輔奏請皇帝降輅

乘輿

若乘輦即云降輦乘輿

皇帝降輅乘輿以入禮部郎中奏解

嚴通事舍人承旨勅羣官各還次將士各還其所

若肆赦並

如冬祀大禮宣德門肆赦之儀

政和五禮新儀卷五十三

欽定四庫全書

政和五禮新儀卷五十四

吉禮

祀高禩儀

有司行事

時日

齋戒

陳設

省牲器

奠玉幣

進熟

望燎

時日

太常寺預於隔季以春分日祀高禩闕太史局太史局
以其日報太常寺太常寺參酌訖具時日散告

齋戒

前祀十日受誓戒於尚書省其日五鼓贊者設位版於

公相廳下吏部尚書在左刑部尚書在右並南向初獻
亞終獻禮官位於其南稍東北向西上監察御史位於
其西稍北東向光祿卿戶部兵部工部郎中大樂令光
祿丞位於其南稍西北向東上

大樂令光祿丞位稍却

奉禮郎太

祝郊社令太官令位於其東西向北上質明禮直官贊者
引行事執事官就位立定禮直官引吏部尚書由公相
廳降階就位禮直官贊揖在位者對揖吏部尚書搢笏
讀誓文云某月某日春分祀高禘各揚其職不共其事

國有常刑讀訖執笏禮直官贊奉禮郎太祝郊社太官
令先退餘官對拜乃退散齋七日治事如故宿於正寢
不弔喪問疾作樂判書刑殺文書決罰罪人及與穢惡
致齋三日光祿卿丞郊社太官令齋一日二日於本司無本司者於太常齋舍質明至
齋所唯祀事得行其餘悉禁前祀一日質明俱赴祠所齋
宮官給酒饌祀官已齋而闕者通攝行事

陳設

前祀三日儀鸞司設行事執事官次於壇壝門外隨地

之宜設饌幔於內墻西門外道南北向前二日光祿牽牲詣祠所前一日郊社令帥其屬掃除壇之上下太常

設正配神位席太史設正配神位版於壇上

凡設神位版皆郊社

令監視

太常設祭器

凡設祭器皆藉以席籩豆又加巾蓋

以俟告潔

既畢權徹

光

祿陳牲於郊階之東南內墻外西向祝史各位於牲後太常設省牲位於牲西三獻官禮官在南北向光祿卿

戶部兵部工部郎中大樂令光祿丞奉禮郎太祝郊社

太官令在北南向俱西上

凡設大樂令光祿丞以下位皆稍却

監察御史

於光祿卿之西少絕光祿陳禮饌於壇之東南內壝外
南向太常設省饌位版於禮饌之南三獻官禮官在南
北向西上監察御史在西東向光祿卿戶部兵部工部
郎中大樂令光祿丞奉禮郎大祝郊社令在東西向北
上大晟設登歌之樂於壇上稍南北向祀日丑前五刻
禮直官贊者諸司職掌各服其服太常設神位席太史
設神位版於壇之上下青帝位於壇上北方南向席以
橐秸帝伏犧氏帝高辛氏位於壇上東方西向北上又

設簡狄姜嫄位於卯階之南西向北上並席以莞太常

陳玉於神位之左

玉以青珪盛以匣燔玉用珉

禮神之玉奠於神前

燔玉加於幣

配位及簡狄姜嫄位不用玉

陳幣篚各於神位之左

幣

青祝版各於神位之右置於坫次設祭器光祿實之正

配位各左十有二籩爲三行以右爲上

第一行形鹽在前魚鱸糗餌粉

饗次之第二行榛實在前乾桃乾蓀乾棗次之第三行菱在前芡桌鹿脯次之

右十有二豆爲

三行以左爲上

第一行芹藟在前葵藿菁藟筍藟次之第二行韭藟在前醢食魚醢兔醢次之第三

行豚拍在前鹿醢醢醢糝食次之

俎三三在籩前爲二重以北爲上

第一重實以牛腥七體兩脾兩肩兩脅并脊兩脾在兩端兩肩兩脅次之脊在中第二重實以羊腥七體其載如牛若配位一在豆前實以豕腥七體其載如羊又俎六在豆右爲

二重以北爲上

第一重一實以牛腥腸胃肺離肺一在上端刊肺三次之腸三胃三又次之一

實以羊腥腸胃肺其次如牛一實以豕腥膚九橫載第二重一實以牛熟腸胃肺一實以羊熟腸胃肺一實以豕熟膚其次如腥皆牛在左羊在中豕在右若配位則以東爲上登一在籩豆間實以大羹

槃一在登前

實以毛血

簋二簋二在籩豆外簋在左簋在右

簋實以稻梁梁在稻前

設犧尊五象尊五爲二重在壇

上東南隅北向西上

配位即設於正位酒尊之東

犧尊在前皆有站

加勺冪爲酌尊

犧尊一實明水爲上尊餘皆實泛齊代以供內法酒初獻酌之象尊實以明水

爲上尊餘皆實醴齊代以祠祭法酒亞終獻酌之

又設太尊二山尊二在神位

前

太尊一實泛齊山尊一實醴齊各以一尊實明水

著尊二犧尊二在壇下午

階之西

著尊一實盎齊犧尊一實醴齊各以一尊實明水若配位即於壇下西階之北

象尊二

壺尊六在壇下午階之東

象尊以實明水一實沉齊壺尊三實玄酒三實三酒明水

玄酒皆在上若正配位即設於西階之南

俱北向西上

若配位即東向北上

皆加冪五

齊三酒設而不酌又設從祀神位每位左十籩爲三行

以右爲上

第一行乾榛在前形鹽魚鱸次之第二行榛實在前乾桃乾棗次之第三行菱在前

災東鹿

肺次之右十豆爲三行以左爲上

第一行芹菹在前筍菹葵菹次之第二行

菁菹在前韭菹魚醢次之第三行免醢在前豚拍醢醢鹿醢次之

俎三二在籩前一在

豆前又俎六在豆右爲二重俱以東爲上簠二簋二在

籩豆外簠在左簋在右

俎及簠簋之實與正配位並同

爵一在神位前

加坩犧尊二并坩勺在神位之左

一實明水爲上尊一實供內法酒初獻酌之

又設御弓矢韞致於祿神之前設燭於神位前設俎十

有五於饌幔內設洗二於卯階之東北向

盥洗在東爵洗在西罍

洗在東加勺篚在洗西南肆實以巾

若爵洗之篚則又實以爵加坩

設禮官盥洗於從祀神位之前執壘籬者位其後又設

揖位於卯階之東內墻之外如省牲位

唯不設光祿丞郊社令位積

柴於燎壇設望燎位於卯階東南內墻之外三獻官禮

官在北南向西上監察御史在西東向戶部兵部工部

郎中大樂令奉禮郎太祝在東西向北上又設三獻官

禮官席位於卯階之東北西向南上戶部兵部工部郎

中席位於卯階之東南西向北上設監察御史大樂令

席位於午階之南北向奉禮郎太祝太官令位於其後

俱西上光祿卿席位於監察御史之東俱北向又設監察御史位於壇上樂廬之北在西東向奉禮郎太祝在東西向北上大樂令在樂廬北太官令在酌尊所俱北向

省牲器

前祀一日行事執事官集初獻齋所肄儀太祝習讀祝文視玉幣及神位版訖並赴壇所各就次禮直官贊者分引行事執事官詣壇東省牲位

凡初獻行事禮直官引餘官皆贊者引

立定禮直官贊揖次引監察御史升自卯階

凡行事執事官升降

皆自卯階

視滌濯執事者舉冪曰潔降復位禮直官稍前曰

告潔畢請省牲太祝出班巡牲一匝詣初獻前西向躬
曰充退復位光祿丞出班巡牲一匝詣初獻前西向躬
曰脂退復位禮直官贊省牲畢請詣省饌位揖訖引行
事執事官各就位立定禮直官贊揖所司省饌具畢禮
直官贊省饌畢揖訖俱還齋所光祿丞太祝以次牽牲
詣厨授太官令次監察御史詣厨省鼎鑊視祭器滌漑

乃還齋所未後一刻太官令帥宰人以鸞刀割牲祝史以槃取毛血置於饌所遂烹牲脯後郊社令帥其屬掃除壇之上下訖還齋所

奠玉幣

祀日丑前五刻

行事用丑時七刻

初獻以下並赴壇所就次郊

社令先入視設神位版訖退次太官令帥其屬實饌俱畢次引光祿卿入詣午階南席位北向立贊者曰再拜光祿卿再拜升壇點閱陳設糾察不如儀者

凡點視點閱皆先詣

正位樂正帥登歌工人升自卯階各就位光祿卿還齋所

餘官各服祭服次引行事執事官各就卯階東內壝外
揖位立定禮直官贊揖次引大樂令先入就午階南席
位北向立贊者曰再拜大樂令再拜升壇就位次引監
察御史奉禮郎太祝太官令入就午階南席位北向立
次引三獻官禮官戶部兵部工部郎中入就卯階東席
位西向立禮直官稍前贊有司謹具請行事高安之樂
作六成止大常升煙燔牲首贊者曰再拜在位皆再拜

次引監察御史奉禮郎太祝太官令俱升壇各就位立

定

太官令就正位酌尊所

次引初獻詣盥洗位正安之樂作

初獻升降

行止皆作正安之樂

至洗位北向立搯笏盥手悅手執笏外壇詣

青帝神位前北向立樂止嘉安之樂作搯笏跪次引奉

禮郎搯笏西向立跪執事者以玉幣授奉禮郎奉禮郎

奉玉幣授初獻執笏興先詣帝伏犧氏神位前北向立

初獻受玉幣奠訖執笏俯伏興再拜詣帝伏犧氏次詣

帝高辛氏神位前東向立

酌獻詣配位准此

奠幣如上儀樂止

奉禮郎先詣簡狄神位前北向立初獻將降壇樂作復位樂止初獻既升獻訖次引禮官詣洗及詣簡狄氏次詣姜嫄氏神位前東向奠幣並如上儀俱退復位

進熟

祀日有司陳九鼎於神廚各在鑊右光祿帥進饌者詣

廚以七升牛於鑊實於一鼎

肩臂臑肫脰正脊一直脊一橫脊一長脊一短脊一

代脅一皆二骨以並

次升羊豕如牛各實於一鼎

正配位牛羊豕各一鼎

皆

設局幕祝史對舉入設於饌幔內俟初獻既升奠玉幣

入陳於卯階下西向南上祝史抽扃垂於鼎右除冪初

鼎序入有司執匕及俎以從至卯階下俎各設於鼎西

匕加於鼎光祿以匕升牛載於一俎

肩臂臑在上端肫脰在下端脊脅在

中次羊及豕如牛各載於一俎

正配位牛羊豕各一俎

鼎先退次

引戶部兵部工部郎中詣卯階下搢笏奉俎

戶部奉牛兵部奉羊

工部奉豕

升壇豐安之樂作詣青帝神位前北向跪奠先薦

牛次薦羊又薦豕各執笏俯伏興有司設於豆右腸膚

胃之前

牛在左羊在中豕在右

次詣帝伏犧氏帝高辛氏神位前

東向奉俎如上儀樂止戶部兵部工部郎中降奉俎詣簡狄氏姜嫄氏神位前東向奉奠並如上儀俱退復位次引初獻再詣盥洗位樂作至位北向搢笏盥手悅手執笏次詣爵洗位北向立搢笏洗爵拭爵以授執事者執笏升詣正位酌奠所西向立樂止祐安之樂作執事者以爵授初獻初獻搢笏執爵執尊者舉冪大官令酌犧尊之泛齊訖先詣帝伏犧氏位酌尊所北向立初獻以爵授執事者執笏詣青帝神位前北向立搢笏跪執

爵者以爵授初獻初獻執爵三祭酒奠爵執笏俯伏興
少立樂止次引太祝詣神位前東向搢笏跪讀祝文讀
訖執笏興先詣帝伏犧氏神位前南向立初獻再拜次
詣帝伏犧氏帝高辛氏神位前酌獻並如上儀樂止太
官令復詣正位酌尊所太祝復位初獻將降壇樂作復
位樂止次引亞獻詣盥洗位北向立搢笏盥手悅手執
笏詣爵洗位北向立搢笏洗爵拭爵以授執事者執笏
升壇詣正位酌尊所西向立久安之樂作執事者以爵

授亞獻搢笏執爵執尊者舉冪太官令酌象尊之醴齊
訖先詣帝伏犧氏位酌尊所北向立亞獻以爵授執事
者執笏詣青帝神位前北向立搢笏訖執事者以爵授
亞獻亞獻執爵三祭酒奠爵執笏俯伏興再拜次詣帝
伏犧氏帝高辛氏神位前酌獻並如上儀樂止降復位
次引終獻詣洗及升壇行禮並如亞獻之儀降復位初
亞獻將升獻引禮官詣盥洗位搢笏盥手悅手執笏詣
簡狄神位前東向立搢笏跪執爵三祭酒奠爵執笏俯

伏興少立次引太祝搢笏跪讀祝文讀訖執笏興太祝復位禮官再拜詣姜嫄神位前酌獻如上儀唯不讀祝文退復位次禮直官曰賜胙贊者承傳曰賜胙再拜在位者皆再拜訖送神理安之樂作一成止

望燎

初理安之樂畢引三獻官禮官戶部兵部工部郎中詣望燎位有司各詣神位前取玉幣祝版置於燎柴次引監察御史大樂令奉禮郎太祝降壇詣望燎位立定禮

直官曰可燎火燎半柴次引初獻以下詣東壝門外揖
位立禮直官贊禮畢揖訖退太官令帥其屬徹禮饌監
察御史詣壇監視收徹訖退內侍奉酒饌及弓韉入內
如儀

政和五禮新儀卷五十四